



DE CALCULO
VESICÆ URINARIÆ,
EOQUE EXTRAHENDO,
PRÆVIA SECTIONE,
OPE INSTRUMENTI HAWKINSIANI EMENDATI.

THESES
CHIRURGICÆ;
PARISIIS,
IN REGIIS CHIRURGORUM SCHOLIS,

*Die 31^a mensis Augusti, anno 1776, à sesqui-secundâ post
meridiem ad septimam.*

PRO ACTU PUBLICO

ET

MAGISTERII LAUREA.



Typis MICHAELIS LAMBERT, Regii Chirurgiæ Collegii
Typographi, viâ Cithareâ.

M. DCC. LXXVI.

DE CALCULO
MEDICAE URINARIAE
FORQUE EXTRACTO
PRAELECTIO
OF INSTRUMENTI HAWKINSIANI MANDATI

THESE
CHIRURGICAE
PARTIS
IN REGIS CHIRURGICORUM SCHOLAE
THESE

PRO ACTU PUBLICO
MAGISTERII LAUREAE

Typis MICHAELIS WILKINSON, Regii Chirurgiae Collegii
Typographi, in Curia

M. DCC. LXXVI.



D. O. M.

THESES
CHIRURGICÆ.

I

CONCRETIO intra corpus humanum ferè lapidea, ex humoribus secretis enascens, calculus audit. Pro partium in quibus generatur & liquidi secreti ratione, variis designatur nominibus; & lacrymalis, salivarius, biliaris, si lacrymarum, aut salivæ, aut bilis humores concrecant & indurescant. Qui suam in viis urophoris originem & incrementum habuerit, is urinaris in genere; vel renes, vel alterutrum ureterem, vel vesicam,

A ij

vel urethram occupat, vel intrâ præputium & glandem, vel tandem has extrâ partes hospiratur, dummodò ex iis per fistulam urinariam rivulus manet. De calculo vesicæ, omni nexu libero, in viris, tantùm dicere animus est.

I I.

MULTIPLEX, pro situ, numero, magnitudine, figurâ, colore, densitate, structurâ & naturâ, vesicæ calculi discrimen admittitur. Plurima pars eorum in vesicâ fluitant; sæpius tamen in ostium urethræ impacti; nonnulli verò ex cuniculis in quibus delitescent, rariùs se proferunt. Nonnunquam unicus duntaxat, interdùm autem plures adsunt. Nonnulli longi, pauci lati vel ad latera compressi; plurimi rotundi, obtusi, angulares, vel corporum diversorum figuram simulant. Quoad colorem, hi albi, illi cinerei, quidam flavi, spadicei, rubri, nigricantes, aliove colore imbuuntur. Duris & solida compages cum siliceâ durtie, quâ vel imperum fracturi forcipis eludant; illis rara est & admodùm fragilis. Quoad eorum pondus, saxa, silices, adamantes, lignum in petram conversum, &c. calculis humanis ferè duplo graviora sunt. Hi ad aquam sunt ut 5, ad 4, & illa plusquam 2, ad 1. Pro structurâ, quidam lamellis cohærent in orbes mechanicè contortis, primùm basi quæ nucleus dicitur, innixos, deinde alios aliis impositos, externos internis majores, ab invicem planè distinctos, crassos diversimodè, diversi sæpè coloris, tandem facilè nonnunquam separabiles; dantur alii cretacei, informes, glareosi intrus, extrâ foliati, multo leviores, minorisque densitatis: alii demùm durissimi ac maximi ponderis, mamillares, veluti morum, scoriarum ferri, formam & colorem referentes; non conflati ut cæteri, ex lamellis & orbibus concentricis, sed ex granulis propè conoideis, quorum apex calculi centrum spectat.

in quibus grumi sanguinis exsiccati, corticis exterioris loca quædam & spatiola occupant. Hoc ultimum erit discriminis, aut calculus ipsius vesicæ fœtus est, sive spontè efformatur, sive corporis extranei adjumento (1); aut è renibus delapsus in eâ sensim incrementum adipiscitur, & tunc ferè semper majoris est duritiei, & nucleo solidiori ingravescit.

I I I.

OMNIBUS calculis duo insunt principia quæ sensibus percipiuntur; alterum totius molis robur ac fundamentum, nempe terra; alterum quod præcipuum habetur, cujusque intervntu terreæ partes inter se coalescunt, *gluten mucosum* (2); ex quorum inter se mixtorum majore vel minore concursu, calculi diversam consistentiam, diversum pondus, diversamque structuram accipiunt. Sed alia per analysim chemicam demonstrantur. 1°. Juxta Halesium, tanta vis inest aeris, ut molem 645^{tes} roto calculo majorem occupet evolutus (3); ex nostris verò experimentis, 1°. 500^{tes}, cujus una pars aeris simplicis vitiati (4), altera fixi (5),

(1) Turundâ. Tulp. L. III, c. 9. Linteo, Kentman, Filo, Franck. Anmerck. IV, p. 474. Pilo, Bourgeois de calculo, &c. Filo orichalceo, la Motte, obs. 226, &c. Ferramine, Collot, p. 173. Frumenti spicâ. Hist. de l'Acad. des Scien. 1773, p. 128, 129, &c. Hordei glumâ, Marin, p. 125, &c. Fabâ, Pouteau, Melang. p. 293.

(2) A Cl. Stæhélino detectum, Geoffroi, Recueil sur la Pierre, p. 364. Nobis verò, imposito flammis usque ad ebullitionem calculo in pulverem redacto, glutinosa facta est aqua; terra verò ima petiit.

(3) Hales. veget. stat. p. 188.

(4) Ille aquæ non miscetur, cum aere nitroso vix effervescit, & lumen extinguit.

(5) Hic cum aere nitroso non effervescit, subitoque lumen extinguit: mixtus aquæ, eam subacidam, empyreumaticam efficit, & præcipitandæ calcis aquæ parem.

tertia inflammabilis (1); 2°. 540^{es} cujus 10 cubici pollices aeris atmosphærici, 96 $\frac{1}{2}$ aeris vitiiati, 85 aeris fixi, 68 $\frac{1}{2}$ inflammabilis; 3°. denique 244^{es}, cujus 24 cubici pollices aeris simplicis vitiiati, 43 $\frac{1}{2}$ fixi, 54 $\frac{1}{2}$ inflammabilis: II°. aqua ad $\frac{1}{20}$; III°. sal volatilis multus; IV°. urinosus ruber spiritus; V°. aliqua olei particula; VI°. sal alkali fixus; VII°. sal marinus; VIII°. ferri aliquantulum; IX°. terra superstes, minor quartâ parte calculi; nam ejus momentum ad $\frac{3}{10}$ æstimatur; quæ quidem terra nullo modo terræ animalis abfimilis; in pulverem redacta ab omni acidorum genere vel facilius vel difficilius solvitur (2); unde salia diversa (3) acido superante (4) emergunt; nullam propemodum aeris partem continet (5); nec sola, nec cum alkali fixo in vitrum coalescere potest, vel ad ignem qui vitris adhiberi solet, coquefacta; dum mixta cum borace, cineraceum encaustum producit (6).

I. V.

IN HOMINE frequentiores esse quàm in brutis calculos vesicæ docet historia, sic etiam in nonnullis regionibus potissimum sævire, dum aliarum incolæ infrequenter calculis laborant. Quot

(1) Aquæ non immiscetur, parùm effervescit cum acere nitroso, & admotâ candelâ flammam concipit.

(2) A Salibus acetosis & tartareis difficilè, facilè à vitriolico, à marino facilius, à nitroso facillimum.

(3) Cum acere vitriolico, prismatica crystalla; cum nitroso, laminæ quadratæ oblongæque formam referentia; cum marino, cubica.

(4) Black.

(5) Hæc terra à quovis acido soluta, ab alkali-fixo præcipitata, lota dein, & rursùm ab acidis dissoluta, nullo ferè modo effervescit.

(6) Ut in percelebri officinâ Pagi illius, vulgò Seve, à Cl. nostro Bertholet observatum est.

enim millia calculosorum in Belgio, Angliâ & Galliâ? Quàm verò pauci in frigidissimis ac calidissimis regionibus, in quibusdam Germaniæ plagis, in Sueciâ, Daniâ, in Indiâ (1) & Japoniâ (2): sed notandum venit in quibusdam urbibus, & vel in unâ ejusdem urbis parte, habitâ numeri calculosorum ratione, quandôque plures quàm in cæteris reperiri calculosos.

Pro variâ ætatum, habituum, victûsque ratione, calculos variè nasci ac formari experienciâ constat; vulgatissimum est & infantes & pueros magis quàm adultos vesicæ calculo esse obnoxios; viros sæpiùs quàm mulieres; homines (si labem non acceperunt à parentibus) ut plurimùm melancholicos, arthriticos, lectuarios, quiescentes, quorum vultus, totusque corporis habitus lentescentem intùs humorem & quasi lapidescentem sæpè denotant; viros gulæ deditos, valdè obesos, studio feriisve intentos laboribus, in quibus ideò liquidorum circuitus remissior est; qui cibos operosè concoquunt & ægrè secernunt; viros denique glutinosi ac terrestribus cibis, & lapidescente utentes aquâ, quorum proinde crassiores sunt humores, interdum stagnant, & ubique, simulque congeruntur.

Complures alias deprehendere est calculi causas; scilicèt variæ partium urinæ inservientium vitia, obstructionem, inflammationem, ulcus, &c.; occursum corporum heterogeneorum, illud urinæ vitium, quo terreæ ejus particulæ ultrà modum abundant; aut citiùs quàm par est intrà corpus secernuntur; sive habitu quodam singulari innato aut translatitio; sive statu morbofo quo terra ex ossibus aliisque partibus exhausta, in sanguinem regressa, & indè per renes excreta, copiosior in urinam

(1) Nullus. Paxman. Med. Ind. p. 30. Multos tamen ibi esse calculosos ex recentioribus constat observationibus à Cl. nostro Gauglin factis.

(2) Nullus. Kæmpfer.

redit; sive tandem naturâ ingestorum (1). Quibus observatis ac memoratis, differendum nobis est, ex lithogenesi indagatorum sententiâ, quomodo calculus efformetur.

V.

IN IPso sanguine continentur principia calculo generando idonea, quæ sano in homine semper mixta manent & nusquam deponuntur; quod superfluum est, lege sanitatis tempestivè foras ejicitur, & per urinam potissimum, utpotè quæ particulis humorum crassioribus ac terrestribus exitum facilius moliri possit. Cum verò diutius residet in vesicâ lotium, & in ipso rene lentius percolatur, tunc tartareis particulis plus minusve abundans, moras passum, si insolubile corpus quodcumque, aut glutinosum aliquid, veluti sanguinis purisve grumum, lentio remve mucum cui adhærere queat, nanciscatur, deponit eò sabulum, quod muco obductum sit magnes (ut ita dicam) qui terreas particulas adtrahit & retinet: en calculi principium & causa ejus incrementi adjutrix: aliæ particulæ se magis ac magis huic affigunt & conglutinantur. Sic exurgit, modò celeriter modo lentè, calculus in principio mollis, tempore indurescens, ut plurimum per orbes & lamellas accrescens; quandòque informis, intùs durus, cortice verò molliori; ex quibus colligere in promptu est, duo ad calculum efformandum inservire, quietem nempe & corpus quodcumque, cui urinæ tartarum adhærere queat.

V I.

IN SENSIBILIA & rationalia calculi signa dividi solent. Hæc à læsâ functione omninò pendent & symptomata habentur, sed

(1.) Nonne à perspiratione cutaneâ nimis auctâ repeti potest calculi causa? Illud ex eo confirmatum videtur, quòd tunc minùs aquosa sint urinæ.

infida, alios morbos aliasque causas mentientia; illa verò certissima; de utrisque dicendum nobis est.

Cùm merè mechanica sit facultas nociva, quâ lædit calculus, varii effectus tùm à mole, pondere, duritie, tùm à motu, allisione, frictione derivantur. Calculum initio tenuem, levem minùsque durum vix persentiscit sisyphus; ardor est in meiendo levis, nec continuus, dulci tentatur prurigne glans summa, cui diuturniori succedit in vesicæ collo doloris sensus & improvisò pungens. Quoniam verò hujusmodi mali effectus minoris momenti videntur, vix conqueritur æger incautus. Crescente calculi mole, malum ingravescit, dolor vesicæ est acrior ac frequentior, circa finem micturitionis exacerbatur: Dysuriâ magis ac magis torquetur æger, & eodem propemodùm cruciatu quo parturientes: in extremâ urethræ parte non pruritus tantùm, sed irritatio continua molestat, quam æger, ut leniat, penem contrectat, premit, extendit, vel crura & pedes iteratis inter se vicibus implicat: frequenti defatigatur, irritoque meiendi & alvum exonerandi desiderio: dum pleno fluit alveo lotium, subitò interdùm supprimitur, obstructo scilicet per calculum vesicæ ostio; atque etiam spontè destillat, undè indusiis ac femoralibus urinæ stillicidio madefactis, putridus lotii odor exhalatur. Æger levaminis spe mutare situm; corpus huc & illuc contorquere, in varias partes procumbere miserè cogitur, ut malum inhærens ejicere possit: repentino motu quassatur penis subfultim exultantis, invitus intumescit, & inter ignes inimicos frigidus torpet. Calculi magnitudo importunum in perinæo gravitatis sensum admover; scaber vel spinis hirsutus vesicam sollicitat, pungit, excoriat, undè mictus sanguinolentus: quod quidem interdùm evenit, etiam si levis sit ac lubricus, si adsint in vesicâ vascula varicosa, quæ faciliùs sanguinem emittant. Ægrum etiam molestat quævis exagitatio, æquitatio, per salebrofa loca deambulatio. Cùm vesica & anus mutuo sensu, mutuâque irri-

tabilitate donentur, altera ad alterius dolorem & motum, intermedio calculo, stimuletur; hinc mictum tenesmus, dejectionem mictus concomitatur, anusque in pueris sæpè prolabitur. In hisce rerum angustiis urinæ redduntur ut plurimum graveolentes, viscosæ, quasi in fila ductiles, quæ quandòque sibi exire properantibus propter crassamentum obstant, undè retinentur. Tandem malis ingravescens, omnia in pejus ruere, acerrimi doloris faces admoveri; cibi potusque fastidium accedere; arcana febris & lenta macies sisyphum corrodere; & quod luctuosius, sed infrequentius, calculus vel in lacunâ detentus, vel etiam liber, vesicam inflammare, abscessu aut gangrænâ corrumpere; undè patet meatus lotio pervius, sive per anum ut sæpius exploratur, sive in perinæo. Huc accedit insuper, quod nullus ex urethrâ jam exeat lapillus, quanquam æger plures lapillos ejicere soleret; quod denique dysuriæ symptomatibus torqueri incipiat; quodque irritum sit omne remedium, levaminis spe tentatum.

V I L.

Cùm sæpè sæpius in errorem inducant exposita illa calculi symptomata, in medium indicia proferamus quibus certa calculi præsentia demonstrari possit. Duo tantum agnoscuntur modi ad tactus sensum referendi, quibus calculus indubitatè percipitur: unus promptior, videlicet, si unum digitum vel duos in ægrotantis anum immittas, quibus gravitas vel durities quædam in vesicâ percepta, de calculo certiore te faciat: digito non frequenter attingitur calculus, nisi in infantibus aut pueris, etiam orificio urethræ impactus, aut cum grandior omnem vesicam replet, aut in ejus recessu, ad recti latus, infra collum citò detinetur & nidulatur. Sed est quod sæpius fallat istiusmodi indicium; cave, glandulâ prostatâ scirrhosâ, lapideâve decipiaris, vel vesicâ induratâ, vel tumore aliquo in vesicâ aut

recto, aut glandulâ subnato, quæ eodem sensu ludificari possunt explorantem.

V I I I.

ALTER modus vulgatiôr, mediante cathetere in vesicam demisso, idemque certior; cûjus attritus ad lapidem, sonum, strepitumve corporis duri reluctantis edit, non solum à Chirurgi auribus manibusque percipiendum, sed etiam ab adstantibus audiendum. Quibus instrumentis, quo modo catheterismus commodiùs perfici potest? Hoc unum tantummodò referre lubet, quod præstantior nobis videatur catheter ferreus aut chalybeus, solidusque & absque longiori rostro, eòquod sonus acutior edatur, minorique cum dolore inquiratur calculus; cùm vesica eo irritata ut plurimum parva remaneat ac contracta. Quàm providè in vesicam demittendus; quàm blandiùs huc & illuc vertendus sit, & ratio & experientia commonstrant. At verò per catheterem exploratio & judicium de calculo exindè institutum quândòque difficultatibus arduis premitur. Quid in hoc casu præstandum? Inquiras, vesicâ urinæ plenâ aut vacuâ, ægro vel supino vel sedente vel stante, vel in unum alterumve latum inclinato, jejuno ventriculo aut distento, post quietem vel ambulationem. Inquiras & cùm cathetere & digito in anum immisso separatim aut simul. Quo tentamine sollicitè ac prudenter factò, attamen incassum, si variis symptomatibus calculum designantibus, sedulò attentus de eo gravem suspicionem habeas, tunc injectiones in vesicam adhibere est. Plures enim adnotantur casus, in quibus, dum vesica contrahitur, sive spasmo, sive tumore quodam, sive propter fistulam hujus visceris in anum aut in perinæum abeuntem, calculus in recessu ita penitus delirefcit, ut eum catheter manifestò tangere nequeat, nisi postquam spasmus remissus est, aut vesicam distendit major urinæ vel liquoris injecti copia. Interdum verò si calculus cortice mol-

liori induatur, aut humore multo crassoque circumobducatur; catheter admotus nullum omnino sonum edit: quod tamen ut præcipuum calculi signum merito judicatur. Quo in casu periti lithotomi dulcem primum, dein acriorem aquam pro vario visceris sensu & calculi munditie, in vesicam injicere non dubitant, haudque improspere successu. Mira nonnunquam contingunt quæ peritissimos fallere possunt: sic ille calculus qui quodam tempore facile per catheterem attingitur, aliq̃ verò nullâ arte deprehendi potest; v. g. cum in vesicâ residet, deinde in quodam diverticulo seu expanso illius processu latet; denuòque post validos ægrotantis nixus, corporis contorsiones, loco motus in cavum redit. Quod de causis errorum per explorationem digiti in anum immissi, suprâ relatum fuit, illud etiam catheteris ope quandòque contingit.

Ubi verò de calculi præsentia constar, quidam de ejus magnitudine, figurâ, & mobilitate per catheterem sollicitè inquirent. At quàm difficilis sit hæc indagatio qualitatum & numerici calculorum, testes sunt peritissimi lithotomi: probabilis tantum de his potest haberi opinio; judicium de vario vesicæ statu proferant, scilicet an ampla sit & expansa; an dura, majorive muci copiâ abundet, &c., ut censeatur, quid à sectione sperandum sit aut metuendum.

I X.

PRO numero, magnitudine, figurâ & naturâ calculorum, varia instituitur prognosis; atque etiam ab ægrotantis ætate, habitu, præsertimque à systematis urinarii conditione diversè deducitur. Ultrâ definitos limites progrediretur, si quis ea sigillatim exponere vellet.

X.

CUM vesicæ calculo sic agendum est, ut non lædat, aut expellatur, aut dissolvatur, aut extrahatur.

Ad illud primùm inducere debet Chirurgum misera Sisyphi conditio, ut ea tentet artis auxilia, quibus vesicæ calculo omnis adimatur lædendi facultas, aut saltem minima relinquatur. Quod quidem levamen sperari, etiamque obtineri potest; 1º. si dolori occurras per antiphlogistica, per emulsiones anodynas, narcotica, aliave remedia quibus vesicæ sensus minuatur; 2º. si medelam afferas stranguriæ, ischuriæve quam in urethræ ostio producit calculus; scilicet per catheteris subsidium, aut per eum corporis situm, quo vesicæ collum parte posteriori altius emineat. Quibus tentatis, insigne levamen ac per multos menses præsentissimum calculosis quibusdam allatum fuisse constat.

X I.

NOTUM est omnibus, nonnunquam calculos minores è vesicâ cum urinâ expelli, in fœminis verò facilius & sæpè sapius quàm in viris, cum earum urethra brevis, latior, recta decurrat, magisque dilatarî possit. Imò non semel contigit magnos etiam calculos sine artis auxilio feliciter ex earum vesicâ prodiiisse. Hinc expedit, simul atque signa calculi per ureterem è rene in vesicam elapsi, comperta sunt, remedia huic expellendo idonea protinus adhibere, ut balnea, clysmata, in urethram injectiones, potum copiosorem liquoris urinam cientis; varium corporis situm v. g. cum sedens antrorsum inclinatur. Hoc verò potissimum requiritur; ut æger magnam primò retentam urinæ copiam postea celerius expellat; tunc enim calculus non circâ mictûs finem, sed primo exeuntis urinæ impetu ferè semper ejicitur. At ille nonnunquam in urethræ ostium elapsus, novisque auctus incrementis, ita coercetur, impediturque, ut jam immotus nullatenus expediri queat; unde ischuriæ symptomata, & mala subsequencia, quibus rectius occurre, si per urethræ sectionem calculum extrahas, quàm si illum in vesicam introallas, ut quidam præceperunt.

Ubi verò talis inest calculo moles, ut per urethram ipsi exitus fieri nequeat, solutionem hujusce corporis in vesicâ tentare nonnulli student, hisce experimentis allecti, quibus demonstratur calculi terram quolibet acore (1), gluten verò aquâ comuni (2) & imprimis medicâ (3), vel aeris fixi plenâ (4), dummodò tepidâ, deniquè alkali fixo aut calce (5) solvi posse. At proh hominum calamitas! quàm frequenter irritum, imò etiam quandòque noxium illud tentamen! Si acida potu sorbeantur, urinæ vias ea non subire probat experientia; si verò in vesicam injiciantur, quot mala ex eorum vi in partem aded sensilem impressa exoriantur, undè sunt omninò rejicienda. De remediis gluten soluturis, aliud judicium feratur, sive per os exhaustis, sive per catheterem in vesicam intromissis; cum èpora illa, ad lorium pervehi ex eo constet, quod lixiviosum fiat (6), & tunc in eo calculus humanus dissolvatur (7); injecta

(1) Citri Stæhelin. p. 19. Aceti, Lobb. Ceparum, Halc. hæmart. p. 215. Porri, Lobb. exper. 51, &c. Minerali, Dippel apud Schulze de Lithontripicis. Spiritu nitri fumante, Ruty, &c.

(2) Hartley, *Fluviatili*, p. 269. *Sequanæ*, Jussieu, *Mém. de l'Acad.* 1720. Nivali, Stæhelin. p. 25, &c.

(3) Holleensi, Stæhelin. p. 30. De Bareges, Default. De Contrexeville, Touvenel, *Mem. chym. & medic.* &c.

(4) Percival, *Experiments and Observations on different kinds of air* by Joseph Priestley, vol. II, p. 360.

(5) Hartley, *Hist.* p. 73, &c.

(6) Pringle, *mal. des armées*, t. II.

(7) Hartley, p. 226.

verò possunt non lædere vesicam, dummodò parcâ manu dispensentur, & licet pauca eam tamen vim urinis addunt, ut calculus sensim imminutus dilabatur; jam verò ex lithontripticis celebratis, hoc nobis videtur efficacissimum, scilicet aqua graminis cum paucillâ salis alkali-fixi copiâ, & aere fixo saturata (1). Interdùm nonnihil levaminis quoad symptomata tantùm experiuntur ægri; & ex inde eò major sanitatis spes affulget, quod urinæ crassiores, magis glutinosæ, fabulosæ, infida ut plurimum solutionis indicia, liberè ejiciantur. At sæpè sæpiùs vana spes. Tempore quodam elapso novis ingravescentibus symptomatibus, evulsionem, ut specificum appellant.

X I I I.

EVULSIO, quæ si non sola, certè ut princeps indicatio jure censetur, est operatio, quâ calculus è vesicâ educitur, præviâ urethræ, prostaticæ & vesicæ vel dilatatione, vel sectione; quæ quidem operatio *lithotomia* nuncupatur. In eâ verò duo consideranda; scilicet partium divisio dilatatioque, & calculi evulsio.

Lithotomia vel suprâ pubem vel infrâ celebratur; illa *sectio* vulgò *franconiana*, *altus apparatus*; hæc *imus*, seu sectio perinæi nominatur; Quæ quidem triplici methodo institui potest; 1^o. *per lateralem apparatus*, in quo perinæum, vesicæ corpus ac collum lateraliter inciduntur urethrâ intactâ remanente; & illa subdividitur in modos Celsi, fratris Jacobi, Rawii (si fides Albino) Foubert & Thomæ hujusce Collegii Magistrorum. 2^o. *Per Marianum seu magnum apparatus*, in quo perinæum & urethræ

(1) Ut copiosior fiat lotii pars aquosa, & sic dissolvendo calculo magis idonea, nonne etiam expediret, ut excretio cutanea minueretur?

bulbus tantummodò rectè fecantur; dum pars membranacea; prostata, & vesicæ collum distenduntur ac dilacerantur. 3^o. *Per magnum apparatus lateraliter factum*; gallicè *grand appareil latéralisé*, in quo perinæum, pars urethræ membranacea & collum vesicæ lateraliter plus minusve inciduntur; cui varios modos ab auctorum nomine designatos referre placet; nimirum modos Franco, Chefeldenii, Dranii, fratris Cosmæ; MM. Moreau, Lecat, Pouteau. peritissimorum in Galliâ Chirurgorum; & D. Hawkins clarissimi in Angliâ Chirurgi; de hisce variis methodis, modisque, prolixius esset differere, præsertim cum à clarissimis auctoribus hæc abundè ac perdoctè fuerint prædicata. Hunc specialem modum tanquàm inter omnes præstantissimum, eò quod brevior sit, simplicior, facilior, tutiorque, pluribus abhincannis primùm Londini à clar. D. Hawkins inventum ac feliciter adhibitum; dein Parisiis à celeberrimo hujusce Theseos Præside; primâ vice die 28 Octobris 1767 celebratum, denique repetitum multoties prospero admodum succèssu, etiamque ab aliis hujusce Collegii Magistris; qualis à nobis emendatus est, utpotè nondùm publici juris factus, exponere fert animus; præmissis quibusdam de ægro præparando.

Observatio de calculo. XLI. V.

OPPORTUNUM calculo extrahendo tempus eligendum est, quoties eligendi copiam facient symptomata; fit autem opportunum pro cœli temperie, ægotantis ætate, pro morbis aut alio quovis habitu. Sic in pueris dentitio, in fœminis tempus graviditatis, fluxûsve menstruorum, &c., calculi evulsionem prohibent; hanc autem si tempus aut alia quævis causa suadeat, tunc instituenda est præparatio, quæ diversa est pro morborum genere, pro statu quocumque, &c. Quo majores sunt calculosi vires, eò minùs, cæteris paribus, fausta procedit lithotomia. undè tenui ac modico victu priùs est debilitandus; pletorico, sanguinem

sanguinem elicias; bilioso, balnea, clysmata, potus lenientes & medicamenta bilem ducentia, diligenter adhibeas, præsertim ægro, cujus sensus acrior est & facilius excitatur. Si verò stomachus crassis & indigestis inficiatur humoribus, vomitoriis sollicitandus est & excutiendus; alvus autem exoneranda purgantibus. Iisdem medicamentis pueros aggrediaris, præsertim rusticos, qui vermibus frequenter corroduuntur, aut adultos, qui nephreticis doloribus contorquentur. At verò ipso sectionis die aut præcedente, denuò alvus per admotum clysterem exoneretur; instrumentis, cæterisque rebus diligenter instructis, Æger commodè constituendus est, & in dato statu confirmandus.

Quoad positionem, illa nobis optima videtur, quâ super mensam stabilem laneâ culcitâ ac linteis constrictam, omninò resupinus, capite tamen pulvinari suffulto; ita collocetur Æger, ut cruribus diductis ac reductis, manibus unâ cum pedibus, laneis mediantribus laqueis, blandè ac firmè connexis, in extremo mensæ luci oppositus statuatur. Eo itaque sic rectè posito & à ministris firmato catheterem ferreum sulcatum magnitudini corporis accommodatum (1), & rostro in oleum priùs immerso, in

(1) Pro diversis hominibus triplex omninò requiritur, Maximus nempe, pollicibus duodecim longus, octo lineis circumferentiæ crassus; ejus pars recta septem pollicibus & sex lineis constat, curva verò quatuor pollicibus & sex lineis, cujus chorda pollicibus quatuor, & sinus decem lineis: Minor pollicibus decem longus, & sex lineis circumferentiæ crassus: pars ejus recta sex constat pollicibus, curva quatuor, cujus chorda tribus pollicibus & sex lineis, sinus verò lineis septem: Minimus, octo pollicibus longus, & crassus lineis circumferentiæ quatuor: ejus pars recta quinque pollicibus constat, tribus curva, cujus chorda duobus pollicibus & lineis undecim, sinus verò sex lineis.

vesicam blandè demittat operator, & solertissimè num reverà calculus aliquis intùs deliteſcat, denuò exploret: tùm ſi calculus ſentiat, aut etiam minimè, ſed antea ſibi certò compertus, ſit, ſummum catheteris unà cum pene verſùs dextrum inguen pauliſper inclinetur, angulum rectum cum axè corporis effingat, atque miniſtro, qui ſiniſtrà ſcrotum comprehendit; dextrà diligentiffimè continendum tradatur; dein ad ſectionem ſe accingat Chirurgus.

X V.

DIGITI ſiniſtræ manus in perinæo ità collocentur, ut pollex propè anum, index autem & medius ad ſiniſtrum iſchii proceſſum inſideant, cute tenſâ neutròque retractâ, utque inter eos ſpatium incifioni liberum relinquantur: ſcalpellum rectum manu dextrâ, eo modo, quo calamus, apprehendatur, teneaturque; cutem priùs haud procul à perinæi futurâ, ante anum ad unum circiter pollicem incidat; dein lateralem perinæi ſiniſtram partem obliquè inter anum & iſchii proceſſum: quæ quidem ſectio ad tres pollices quandòque ducenda, & ad minorem in extremis, quàm in medio altitudinem. Hâc in priorî ſectione inciduntur integumenta, textus adipoſus, nonnulla vaſcula ac nervuli; ſicque muſculus accelerator & ani ſphincter cutaneus ad internum ſectionis latus, erectior verò, vaſa nervique perinæi ad externum intacta remanent, vel remanere debent. Quâ ſectione peractâ, intrâ vulneris labra indicem ſiniſtræ manûs immittat operator, ut catheteris fulcum dignoſcere poſſit ultra bulbum; ibique bulbo in anteriorem partem propulſo, firmiter immitatur: deinde obliquè ſatis adeò incidat, ut fulcum catheteris nudè eodem indice percipiat. Quâ quidem in ſectione pars tranſverſi poſterior & portio urethræ membranacea ſecari debent.

Tùm indice digito favente, ductoris nostri qui ægrotantis magnitudini conveniat (1), rostrum, in catheteris sulcum cautè simul ac tutò immittat, cavendo ne inde deflectatur & aberret. Postea catheterem à ministro sinistrâ recipiat, quem sic erigit, ut albæ lineæ sit adversus & angulùm suprâ memoratum retineat; & quantum in se erit, integrum ducat versùs dextrum latus, ut instrumentum secans à vasis nervisque pudendis amoveatur. His ita constitutis, nec in ullam partem inclinatis, per catheteris sulcum, dextrâ manu, ductorem immittat in vesicam. Hoc modo, lateraliter seu transversè inciduntur minima pars musculi transversi & urethra, usque ad collum vesicæ; demùm pars maxima prostatica & colli vesicæ.

X V I.

Quo facto, catheterem blandè educat dextrâ manu, dum lævâ ductorem continet; deinde mediante conductoris canali, forceps calcularis, in oleo priùs tincta & sedulò clausa, providè ac lentè in vesicam insinuetur: tùm conductor eodem ferè modo, quo fuit intrusus, retrahatur, contra dextrum pelvis latus nitendo. Forceps ad laxiùs diducendum vulnus, ita gnaviter aperiatur,

(1) Pro variis hominibus triplex ductor requiritur, singuli concavitate cuius radius pollice longus, sinistro margine prorsus obtusi, dextro verò usque ad quartam ejus partem quæ in aciem abit. Maximus quinque pollicibus longus, juxtà manubrium lineis latus duodecim, ad quartum à manubrio pollicem, undecim lineis, per residuum pollicem acutissimus sensum tenuescere debet. Minor quatuor longus pollicibus & sex lineis, decem lineis latus juxtà manubrium, ad tertium & semi pollicem à manubrio, novem lineis, cæteraque ut in præcedenti. Minimus quatuor longus pollicibus, juxtà manubrium octo lineis latus, septem versùs partem secantem.

ut altera sit *antrorsum* maxilla, altera verò *retrorsum*. Nam quoad partes transverse sectas diductio vulneris, etiamque dilaceratio minori faciliorque negotio perficitur, cum nîsus seu vis, incisioni perpendicularis sit. Tandem clausâ iterum blandè forcipe, calculus inquiratur; quo reperto ac prehenso, ut expedit, educatur, forcipem providè retrahendo ac leniter, ultrò citròque, præsertim versùs anum motando.

X V I I,

EST NE calculi evulsio omni in casu protinùs tentanda, præviâ partium dilatatione aut dilaceratione? Quod quidem plerisque lithotomis potiùs esse videtur, existimantibus scilicèt calculi præsentiam, eorum omnium quibus calculosi cruciantur, unicum esse fontem; illius evulsionem quam citò maturandam, hâc solâ sublevari Ægrum, ejusque vim omnem malorum penitùs extinguî. Verùm enim verò quot & quantis periculis calculosum obijciunt huic methodo pertinaciter adhærentes? Vulneris dolore jam fatigatus, an pati poterit calculi extrahendi dolorem acerbissimum? Partes recenti vulnere contractæ haud facilè diduci possunt & extendi; acrior est earum sensus, facilior irritatio; calculus extrahitur operosiùs, tardiùs, & cum vividiori doloris stimulo. Hinc spasmi, inflammationes, &c. non solum in vesicâ, sed etiam in vicinis partibus.

Nonne magis expedit, quoties, obice quolibet, calculi fieret operosior evulsio, eam procrastinare, etiam suppurationem vulneris expectando? Ex hâc methodo quam à Franco præceptam renovavit, nec infausito pluries successu, clarissimus hujusce Theseos

Præses, maxima oriuntur commoda. Nam eo spatio quod inter incisionem & inflammationem interjectum est, fabula, glarea, fragmenta lapidea, atque etiam minuti calculi foras ejici possent cum urinis, aut si exitum calculi præpediat ipsius magnitudo, tunc ille in ipsum vulnus se se implicare poterit, aut seipsum præbere quâ parte minor est: hinc facilius apprehenditur, si, quod fit aliquando, ultrò se non præbeat: partes puris effluvio molles ac relaxatæ, nec ita sensibiles, minùs reluctabuntur forcipi, cujus motus ad calculum apprehendendum requisiti minùs erunt noxii; calculus cui non ita vulnus obstabit, minori cum dolore & spasmo citiùs educetur; unde mala, alteri methodo quasi insita, vix ac ne vix quidem accident. At objicietur forsàn, quod, calculi evulsionem procrastinando, symptomata quibus calculosus vexaretur, per incisionem ingravescant & iis eum malis subjiciant quæ ex terrore, & curatione difficiliore ac tardiori immeritò habitâ, proficisci solent; his enim agitur, quandiu non cernit oculis inferum hostem, quo tantoperè cruciatur: sed hos indocti ingenii fœtus insulso & pertinaciter defensos respuit experientia. Hæc quippe mala rarò admodùm in his calculosis occurrunt, quorum calculus extrahi non potuit; sive propter magnitudinem; sive quod non invenitur, absconditus inter longos processus, aut in vesicæ sinu; sive quod illius fragmenta omnia non fuerunt educta; sive tandem quod Chirurgus, ne, cùm in vesicâ spasmus adest aut acrior irritatio, Ægrum vexaret, operosæ longæque evulsionis tentaminibus incautis & incassis, ex quibus sequerentur accidentia jam memorata, ad eam differendam coactus fuerit.

Hæc si sola vigeret methodus, quot & quanta bona in genus humanum redundarent, cùm multos lithotomiâ sic blandè institutâ ad perfectam sanitatem adductos, experienciâ comperrum sit.

Has Theſes, DEO JUVANTE, & Præſide M. ANTONIO LOUIS, Scholarum Profefſore Regio, Academia Regia Chirurgia Secretario perpetuo, Regio Librorum Cenſore, in Caſtris & Regis Exercitibus à Conſiliis Chirurgicis, Noſocomiorum Militarium Regni Inſpectore, Conſultiſſimæ Facultatis in Univerſitate Pariſienſi Doctore, Regii Medic. Nanc. Collegii ſocio honor. è Regiâ Monſpelienſi Societate, Academicarum Lugdunenſ. Rothomag. Metenſ. Apathiſtarum Florentinæ, Harlem. Socio, ut & Inſtit. Bonon. Societatiſque Regiæ Gottingenſ. Societatis Botanicæ Florentinæ Collegâ Honorario, in Medicina Facultate Halæ-Magdeburgicâ Chirurgiâ Doctore, tueri conabitur PETRUS-JOSEPHUS DESAULT, Veſuntinenſis, in almâ Univerſitate Pariſienſi Artium Magiſter, & in Scholâ Præcticâ Anatomæ & Chirurgiæ Profeſſor designatus, Theſeos Auctor.

FINIS.